

ጾዎች ማደም ደኪንቴ ጳውሎስ ኪኢቶ ጥቶም ዓይያ ካር

ጥቶ ዓይሁዴ ማዓባኣ ዓሲታ። ኪሪሰቶስ ጉሙርቂ ላኣሚንቴ ዓሲ ማዓዛ። ጳውሎስና ዋላ ኮዠ ሃይሶ ኬኤዚያ ማደ ዒዛኮ ዴማ ማዓ ማደያኬ፤ ጳውሎስ ሃያ ኪኢቶ ፃኣፕሢ ዴጌ ናይታ። ዒዛና ዋላ ማደ ጥቶም ማዓዛ ጥቶ ዬኖ ዋዶና ቁርፃሴይዳ ዓኣ ሺኢጲያ ማኣር ማደ ሃንቲ ሃንቲ ዛጋያኬ። ሃና ኪኢታ ሃይሃ ዴኤፕ ዴኤፕ ማሊሢ ዓርቁያኬ።

ፔታሳ።- ቁርፃሴ ሺኢጲያ ማኣር ዓሶ ዋይሢ ዓሶኮ ማሊያ ዋማዒ ማዓንዳያ ኮይሳቴያ ባሼ ዒኢካ ዓኣ ዓሶኮ ፑርቶ ማሊያ። ዓቆያና ዋይሢ ዓሳ ዋማዒ ማዓንዳያ ኮይሳቴያ ጥቶም ላቲ ኬኤዚንቴ፤ ላምዓሳ።- ሺኢጲያ ማኣርይዳ ዓኣ ዴማ ዴማ ዓሶ ጌይያ ዓቲንቆ ጋርቾ። ላኣሎ ጋርቾ። ዴጌ ዓቲንቆንታ ዓሶም ማደ ዓሶንታ ዋማይዒ ዒ ዒርዛንዳቴያ ጥቶም ዘርናያኬ፤ ጋፒንያይዳ ኪሪሰቶስ ጉሙርቃ ዓሶኮ ዓኣያ ማዓኒ ኮይሳ ማሊሢ ኬኤዛኬ፤ ዬይያ።- ዓሲና ኮሽኪ ዒጊንቴ ናንጎንዶ ጎይሢና ሺኢጲያ ማኣር ዓሶ ባኣካ ዋሊ ዒፃሢንታ ማርሞንታ ዴማዲሢንታ ባኣያ ማዒ ናንጋንዳጉዲ ዓሶ ዘርሞ ጌይ ጥቶ ዓይሢያኬ።

ማፃኣፕላ ዴማ ዴማ ዓርቁ ባኮ

- ዓይያ ካር (1:1-4)
- ሺኢጲያ ማኣር ዋይሢ ዓሶ ዛላ ኬኤዚንቴ ባኣዚ (1:5-16)
- ሺኢጲያ ማኣርይዳ ዓኣ ዴማ ዴማ ዓሶ ዛሎ ኬኤዚንቴ ባኣዚ (2:1-15)
- ጳውሎስ ዘሬ ዘርና ላቲ ኬኤዜ ባኮ (3:1-11)
- ጋፒንሢ ሃይሴ (3:12-15)

1 ጾኦሲም ማደያ ሃሃ ዬሱስ ኪሪሰቶስ ማደም ደኪንቴያ ማዓ። ጾኦሲኮ ዶኦሪንቴዘንሢ ጾኦሲ ጉሙርቁያ ዛሎ ኬኤዚ ማኣዳኒና ጾኦሲ ካኣኸኮ ጎኡሞ ዒርዛኒ ዶኦሪንቴ ጳውሎስይዳ።-

2 ዔያቶኮ ናንጊና ናንጊኮ ሃጊ ማዓንዳ ዋዛ ዓኣያ ማዓንዳ፤ ጾኦሲ ማርጌ ዋዴኮ ቤርታ ዒንጋኒ ጫኣቁ ናንጊና ናንጎ ዔያታ ዴንቃንዳ። ጾኦሲ ፔቴታ። ሉኡቁሞሴ።

3 ዩና ዎዳ ሄላዛ ያኦሲ ዬያ ፔቃአሎና ፔጋሲ ዳዌኔ፤ ዬይ ቃኣላ ታ ማዳንዳጉዲ ታኣም ዒንጊንቴሢር ኑና ዳቁሻ ያኦዛሢ ዓይሢያ ጎይያ ታ ኬኤዛኔ።

4 ኑኡኒ ቢያሢ ጉሙርቃ፥ ያኦሲ ጉሙርቁያ ዛሎና ታኣኮ ጎኔ ናዓሢ ማዕፍ፥ ጥቶም፤

ያኦሲ፥ ዓዳሢና ኑና ዳቁሻ ዬሱሰ ኪሪሰቶሴናይዳፓ ማዕ ኮሹሞ ዒንጊያና ዎዛና ኔኤም ማያንጎ።

ጥቶ ቁርዕሴይዳ ማዳንዳጉዲ ዓይሢንቴ ባኮ

5 ታ ኑና ቁርዕሴይዳ ሃሹሢ ዒኢካ ፓጩ ባኮ ኩንሣንዳጉዲና ኔ ማዳንዳጉዲ ታ ኔኤም ዓይሢ ጎይያና ሺኢጲያ ማኣር ጨሞ ካታሞይዳ ካታሞይዳ ኔ ዶኦራንዳጉዲ ጌዒኬ።

6 ሺኢጲያ ማኣር ጨማ፡- ደንኪንቴዎያና ፔቱ ላኣሊ ዔኬያ፥ ዓይሢንቴዎያ ማዓሢና ጊንሣ ሃሣ ማቾ ማዒባኣያና ላሂ ላሂ ፔ ሱንያ ፑርቲሱዎያ፤ ዬያጉዲ ሃሣ ናኣታ ዒዛኮ ኪሪሰቶሴ ጉሙርቃያ ማዓኒ ኮይሳኔ።

7 ሺኢጲያ ማኣር ዎይሣ ዓሳ፡- ያኦሲ ማዶ ማዳንዳጉዲ ጉሙርቁ ዒንጎና ዓሲ ማዕሢር ደንኪንቴዎ ዓሲ ማዓኒ ኮይሳኔ፤ ጌይያ፡- ሄርሺንቴዎያ፥ ዑኬና ዳጋዲዎያ፥ ዑሽኪ ማሢንቴዎያ፥ ዓሲና ዛሎዎያ፥ ዔርቱዎ ጎይሢና ፔና ማኣዳንዳ ባኣዚ ዔካኒ ኮውዎያ፤ ጌይያ፡- ሚኢሹር ጎይቁዎያ ማዓኒ ኮይሳኔ።

8 ዬያይዳፓ ሸኣቹ ዔካያ፥ ኮሺ ማዕ ባኣዚ ናሽካያ፥ ፔና ዔሪ ዎይሣያ፥ ፒዜ ዓሲ፥ ዒናና ዓኣ ዓሲ ሃሣ ኮይሳ ጎይሢ ናንጋያ ማያንጎ።

9 ዒ ዔሪ ጎይያጉዳያና ጉሙርቁንታያ ማዕ ኪኢቶ ኮሺ ዓርቃያ ማዓኒ ኮይሳኔ፤ ዬያይዲያና ሜሌ ዓሶ ዘራኒና ዬያ ዒዲ ማካ ዓሶዎ ጎራኒ ዒ ዳንዳዓኔ።

10 ዓይጎር ጌዔቱ ዓይሁዶ ፃጳፓ ማዕያ፥ ዓይሢንቴዎያ፤ ሃሣ ጉሪ ጌሰቲ ጌሰቲ ሺራ ጌሻ ሚርጌ ዓሲ ዓኣሢርከ።

11 ዬያ ዓሶ ዚቲዳኒ ኮይሳኔ፤ ዓይጎር ጌዔቱ ዔያታ ፒዜ ማዒባኣ ጎይሢና ሚኢሹር ጎይቁ ጎይቁ ዔርዛኒ ኮይሱዎ ባኣዚ ዔርዚ ዔርዚ ፔቱ ማኣር ዓሶ ካራና ፑርቲሳኔ።

12 ዔያቶኮ ዠይሰኬይ ዔያቶ ዛሎ ኬኤዛያ፡- «ቁርዕሴ ዓሳ ቢያ ዎዳ ሉኡቃያ፥ ፑርታ ቦያ ማዕያ፥ ሃሣ ቤልፃዳያና ሙኡዚ ዓሲኬ» ጌዔኔ።

13 ዬያ ዓሢኮ ማርካታ ጎኔኬ፤ ዬያሮ ፒዜ ዔያታ ያኦሲ ጉሙርቃያ ማዓንዳጉዲ፤

14 ዓይሁዶ ዓሶኮ ኬኤዚ ሸሮ ሃይሶ ዔያታ ዔኩዋጉዲና ጎኑዋ ዒዓ ዓሶ ዘሮ ዔያታ ዋይዙዋጉዲ ኮሺ ዔያቶ ጎሬ።

15 ዒኖ ጌኤኮ ዓሶም ቢያ ባኣዚ ጌኤሺኬ፤ ዒኖ ፑርቶ ዓሶና ያኦሲ ጉሙርቁዋያ ዓሶም ጋዓንቴ ጌኤሺ ማዔ ባኣዚ ባኣሴ፤ ጉቤ ዔያቶኮ ዒኖና ማሊዳና ፑርቴያኬ።

16 ዔያታ፡- «ኮኤኒ ያኦሲ ዔራኔ» ጋዓኔ፤ ዔያታ ማዳ ማዳና ጋዓንቴ፡- «ያኦሲ ኮ ዔራዋሴ» ጋዓ ዓሲ ማዓኔ፤ ዋይቲ ጌዔቴ ዔያታ ዒሣ ዓሲ፡ ዓይሢንቴዋ ዓሲ፤ ሃሣ ፔቴታዖ ኮሺ ማዳ ማዳኒ ደንዳዑዋያ ማዔሢሮኬ።

2

ፒዜ ማዔ ዔርዚሢ

1 ኔኤኒ ጋዓንቴ ፒዜ ማዔ ዔርዚዳና ዋላ ጊኢጋያ ማዔ ባኣዚ ዔርዚ፤

2 ዓቲንቆ ጋርቻ፡- ኮይሳ ጎይዖ ናንጋያ፡ ፔ ቦንቾ ካፓያ፡ ዔኤቢ ዔሪ ማዳያ፡ ያኦሲ ጉሙርቁሢና ናሹዋዋ ዓኣያ ሃሣ ጊቢ ደንዳዒሢና ደዲ ዓሲ ማዓንዳጉዲ ዔያቶ ዘሬ።

3 ዬያጉዲ ሃሣ ላኣሎ ጋርቻ፡- ኮይሳ ጎይዖ ናንጋያ፡ ቦንቾ ፔኤሲ ካፓያ፡ ዓሲ ደንኩዋያ ሃሣ ዑሺ ናሽካያ ማዑዋጉዲ ዔያቶ ዘሬ፤ ዬያይዳፓ ዔያታ ኮሺ ማዔ ባኣዚ ሜሌ ዓሶ ዔርዚዳና ማዖንጎ፤ ዬይያ፡-

4 ሎዔ ዳጌ ላኣላ ፔኤኮ ዓኒንሢና ናኣቶና ናሽካንዳጉዲ፤

5 ዔኤቢ ዔሪ ማዳያና ዒኔ ጌኤሺ፡ ማኣሪ ማዳ ማዳያ፡ ኮሺ ማዔያ፡ ፔኤኮ ዓኒንሢም ዓይሢንጎያ ማዓንዳጉዲ ዔያታ ዔርዚንጎ፤ ዳጌ ላኣላ ያዲዴቴ ያኦሲ ቃኣሎ ቦሃንዳ ዓሲ ባኣሴ።

6 ዬያጉዲ ላኣሎ ዔኬ ዓቲንቆ ዳጌሢ ፔና ዔሪ ዋይሣንዳጉዲ ዔያቶ ዘሬ፤

7 ኔኤኒ ቢያ ባኣዚና ኮሺ ባኣዚ ማዲ ማዲ ዔያቶም ኮኦኪንሢ ማዔ፤ ኔ ዔያቶ ዔርዚ ዋደና ኮይሳ ጎይሢና ናንጊሢ፡ ጎኔ ሃይሴ ጌሰቲሢ፤

8 ዳንኪንቴዋ ኮሺ ጌኤሲ ዔያቶም ዳዌ፤ ዬያይዲዳና ኦና ዒዳ ማካ ዓሳ ኦጊዳ ጌሰቶንዶ ፑርታ ባኣዚ ዴንቁባኣ ዋደና ቦርሲንጎንዳኔ።

9 ማዳ ዓሳ ማዳሻ ዓሶም ዓይሢንጎንዳጉዲ፤ ቢያ ባኣዚና ዔያቶ ዋዛሳንዳጉዲ ሃሣ ፑርታ ዑኡሲያ ዔያቶም ማሁዋጉዲ፤

10 ዎይህ ዓሰኮ ዓኣ ባኮዎ ወኡቁዎጉዲ ዘሬ፤ ኑና ዳቂሻ ጾኦዛሂኮ ዔርዚፃ ቢያ ባኣዚና ቦንቸንጎጎዳጉዲ ቢያ ዎዴ ጉቤ ዒናፓ ጉሙርቁንጎያ ዔያጎታ ማጎጎጎ።

11 ጾኦሲ ዓሲ ቢያ ዳቂሻ፣ ኮሹሞ ዒንገሂ ፔጋሲ ዳቁ፤

12 ዬይ ኮሹሞ ዒንገፃ ጎሜ ዓሲ ማዒሂና ዓሲ ማሊሂ ሱኡኬ ኑ ሃሻንዳጉዲና ኑና ኑ ዔሪ ዎይሥሂና፣ ሃሃ ጂሉሞና ገንሃ ዓያናና ዓኣ ዓሲያ ማዒ ሃያ ሳጎይዳ ኑ ናንጎንዳጉዲ ኑና ዔርዚ።

13 ዬያይዲ ኑ ዓንጂንቴ ኑኡኮ ሃጊ ማዓንዳ ዎዘ ካፓ፤ ዬይ ኑኡኒ ካፓ ሃጊ ማዓንዳ ዎዛ፣ ዴኤፖ ኑኡኮ ጎዳሂ፣ ኑና ዳቂሻ ዬሱሰ ኪሪሰቶሴኮ ቦንቸና ሙኪ ጴዲያኬ።

14 ኪሪሰቶሴ ፑርጎ ባኣዚ ቢያይዳፓ ኑና ዳቂሻና ኮሺ ማዶ ማዳኒ ጎኦባ ማዔያ ሃሃ ዒዛሞ ኑ ዲማዴያ ጌኤሺ ዓሲ ማዓንዳጉዲ ኑና ጌኤሻኒ ኑ ጋይቴ ፔና ዓኣሂ ዒንጌ።

15 ዓካሪ ሃንሂ ባኮ ዔርዚ፤ ጉቤ ማዔ ቢታንቶና ዓሶ ዘሬ፣ ሃሃ ጎሬ፤ ጎኦኒያ ኔና ቦሆፓ።

3

ኪሪሰቶሴ ጉሙርቃ ዓሲ ማዳንዳ ማዶ

1 ዓሳ ቢያ ዎይህ ዓሰና ቢታንጎ ዓኣ ዓሰናም ሹሌዑሞና ዓይሂንጎጎዳጉዲ ሃሃ ኮሺ ማዶ ቢያ ማዳኒ ገኢጌያ ማዓንዳጉዲ፣

2 ጎ ዑሂዳኣ ፑርጎ ባኣዚ ጌሰቱዎጉዲ ዔያቶም ላቲ ኬኤዚ፤ ዬያይዳፓ ዓሲና ዎላ ፑርቱዎያ፣ ኮሺ ዓሲ ሃሃ ጎኦ ዒናፓ ዓሲ ቢያም ሹሌዓያ ማጎጎጎ፤

3 ኑኡኒ ሃያኮ ቤርጎ ማሊሂባኣያ፣ ዔኤያ፣ ዓይሂንቴ ዒፃያ፣ ዳቢንቴ ጌሺንጎያ፣ ዲማ ዲማ ፑርቶ ኑ ማሊያ ሱኡኮ ኩንህያ፣ ጌኔ ማዶ ማዳያ ሃሃ ቁኢራያ፣ ዑራዲያና ዎሊ ሴካና ሃንጋና ዒፃያ ማዒ ኑ ናንጎያኬ።

4 ጋዓንቴ ኑና ዳቂሻ ጾኦዛሂኮ ኮሹሞና ናሹሞና ፔጋዴ ዎዶና፣

5 ኑ ማዴ ጂሉሞ ማዶናቱዎንቴ ፔኤኮ ማኣሪያና ኑና ዒ ዳቂሹ፤ ኑና ዒ ዳቂሹሂያ ላሚ ሸይንቴሂ ማዔ ማሰቲሂና ዓያና ጌኤኦ ዘሎና ጴዴ ላኣሚንቴናኬ።

6 ጾኦሲ ኑና ዳቂሻ፣ ዬሱሰ ኪሪሰቶሴ ዘሎና ፔኤኮ ዓያና ሚርጌና ኑም ኬይሴ።

2:14 ዓይኑ. 130:8፤ ኬሲ. ማፃ 19:5፤ ላሚ. ዎማ 4:20፤ 7:6፤ 14:2፤ 1ጴ፪. 2:9።

7 ይያ ዲ ማዳህሂ ዲዛኮ ኮሹሞ ዲንጊያና ኑ ደሊ፣ ሃጊ ማዳንዳ ዋዛ ማሂ ኑ ካፓ ናንጊና ናንጎሞ ኑ ዳንቃንዳጉዲኬ።

8 ሃይ ታ ኔኤም ኬኤዜ ባካ ቢያ ጎኔ ባኣዚኬ።

ጾኦሲ ጉሙርቃ ዓሳ ቢያ ኮሺ ማዶ ደዲ ማዳንዳጉዲ፣ ሃያ ታ ኔኤም ኬኤዜ ባኮ ቢያ ደዲሺ ዔያቶም ኔ ኬኤዛንዳጉዲ ታ ኮዓኔ፤ ዬይ ባካ ኮሺ ማዔያ፣ ሃሃ ዓሲም ኮይሳ ባኣዚኬ።

9 ጋዓንቴ ፓሁቀ ማርሞይዳፓ፣ ዓሲኮ ዜርህሂ ፓይዲ ሺሪያይዳፓ ሃሃ ዓሲና ዣሊሂና ሙሴ ዔርዜ ዋጎ ዛሎ ዔቃ ጎሪንቴዳፓ ሃኬ፤ ዓይጎር ጌዔቴ ዬይ ባካ ፓህ ባኣዚ ባኣያና ጉሪ ማዔ ባኣዚታሂርኬ።

10 ሺኢጲያ ማኣር ዓሶ ዋሊፓ ዲማሳ ዓሲ ፔቴና ዞሬ፤ ዬካፓ ሃሃ ለማ ላቴ ዲዛም ኬኤዜ፤ ያፓ ዑህ ዓኣዳቴ ጋዓንቴ ዲዛና ዋላ ፔቴ ማዒፖ።

11 ዬያጉዴ ዓሲ ዣኣሌ ዓሲኬ፤ ዲ ጎሜ ማዳሂር ፔ ዑፃ ሜቶ ዔኪ ዬዓያ ማዔሂ ዔሬ።

ጋፒንሂ ዞር

12 ዓርዓማሴ ሃንጎ ቲኪቆሴ ኔ ኮይላ ታ ዳካዛ ኔኤኒ ታ ዓኣ ቤዞ፣ ኒቆጲሊዮኔ ዑኬና ሙኬ፤ ዓይጎር ጌዔቴ ባርጎ ታኣኒ ዲዞ ቤዞይዳ ዴዒ ዓኣሂኒ ማሌሂርኬ።

13 ዋጎ ኮሺ ዔራ ዜማሴና ዓጲሎሴ ጎያሂናም ኮይሳ ባኮ ቢያ ዲንጊ ጎይያ ዔያታ ዓኣዳንዳጉዲ ማኣዴ።

14 ኑ ዓሶ ማዔ ዓሳ ማኣዳ ባኣዚ ባኣያ ማዒ ዓቲዋጉዲና ፔኤኮ ናንጎ ዔያታ ፔኤር ዳንዳዓንዳጉዲ ኮሺ ማዶ ማዳሂ ዔርንጎ።

15 ታኣና ዋላ ዓኣ ዓሳ ቢያ «ኮሺዳ?» ኔና ጋዓኔ፤ ጾኦሲ ጉሙርቃ ዓሶ ዛሎና ኑና ናሽካ ዓሶም ቢያ «ዲንሂ ኮሺዳ?» ጌዔኔ፣ ጌዔ። ጾኦሲኮ ኮሹሞ ዲንጊፃ ዲንሂና ቢያ ማዶንጎ።

3:12 ዳኪ. ማዶ 20:4፤ ዔፕ. 6:21-22፤ ቆላ. 4:7-8፤ 2ፃሞ. 4:12። 3:13 ዳኪ. ማዶ 18:24፤ 1ቆር. 16:12።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929